



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 2. Agnoitæ & Tritheitæ.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum VI. eumque deponerent. Igitur Pelagius
 A. C. 538. Antiochiam & deinde Jerosolymam ve-
 nit, unde cum duobus Patriarchis & qui-
 busdam Episcopis Gazam delatus est.
 Leont. Sect. Ibi Paulo deposito in ejus locum Zoilum
 Act. 5. Patriarcham Alexandrinum ordinarunt,
 qui etiam sicut Paulus Concilii Calcedo-
 nensis Fidem profitebatur.

§. II.

Agnoitæ & Tritheitæ.

Interea Eutychiani seu Acephali quoti-
 die in novas Sectas abibant. Theodo-
 sius Alexandrinus, cum Constantinopoli
 versaretur, occasio fuit, ut Agnoitarum
 Secta nasceretur; nam exorta quæstione
 Marc. 13. 32. super Domini Nostri Verba: *Hora Ju-
 dicii neminem scire, (*) neque Filium,*
 an

(*) Hæc Christi Domini assertio Cardinalem
 Gotti permovit, ut dubitaret, an Beati in Cælo
 Visione perpetua Orationes Fidelium in terra
 existentium ad se directas, & futurorum quocun-
 que demum tempore ad se dirigendas viderent,
 quod deinde saltem arguere possent, quando
 Judicii extremi dies esset adventura, & diceret,
 eas per Revelationes successivas extra Verbum
 cognoscere. Nihilominus non videtur adesse
 ratio sufficiens discedendi a principio Theolo-
 gico, secundum quod Beati omnia tam ad sub-
 stantiam quam ad circumstantias suæ Felicitatis
 pertinentia, nempe illa, quæ ipsorum Personas
 tangunt,

an id JESUS Christus qua homo ignoras-
 set, Theodosius dixit, JESUM Christum
 id non ignorasse, eatenus cum Ecclesia
 Catholica sentiens. Imo etiam contra
 illos calamum strinxit, qui JESU Christo
 hanc ignorantiam affingebant, & idcirco
 Agnoitæ dicebantur, nam ἀγνοειν Græce
 significat ignorare. Dicebant, hanc i-
 gnorantiam Christo non minus conve-
 nientem fuisse, quam dolores, quos sen-
 sit,

Sæculum VI.
 A. C. 538.

Act. 10.

tangunt, & absurdum non involvunt, uno con-
 spectu & perpetuo vident. Ita docet S. Augu-
 stinus citatus a S. Doctore L. 15. de Trinit. c. 16.
*Non enim erunt volubiles cogitationes nostræ,
 ab aliis in alia euntes atque redeuntes, sed om-
 nem scientiam nostram uno simul conspectu vide-
 bimus.*

Eundem sequitur S. Thomæ Doctrinam ex-
 plicans Clarissimus Mezger. Disput. X. Art. III.
 Jam vero modus concupiscendi sequitur modum
 cognoscendi; nimirum qualis est Visio Beato-
 rum tale etiam est eorum Desiderium Clienti-
 bus suis succurrendi, id est, perpetuum, estque
 hoc Desiderium, seu Charitas in proximum, O-
 ratio, non quidem modo formali, sed eminente
 & perfectissimo; nam formalis oratio involvit
 spem obtinendi, quod petitur; sed Beatorum
 Statui repugnat, ut sint suspensi, & ulterius a-
 liquid sperent. Imo secundum S. Thomam &
 Cardinalem Gotti Beati in Cælo nihil a Deo
 perunt, nisi quod concessurum vident.

Sæculum VI. sit, cumque esset nobis simillimus, ea, A. C. 538. quæ nos ignoramus, ipsum quoque ignorasse. Itaque secedentes a Theodosianis Conventus separatos egerunt.

Sub idem tempus, quo Theodosius Constantinopoli morabatur, initium cepit Tritheitarum Error, qui Joannem Grammaticum Alexandrinum cognomento *Philoponos*, id est, laboriosum, habuit Auctorem. Is Catholicis objiciebat, quod si duas Naturas confiterentur, etiam necessario duas Hypostasēs essent admittendæ. Respondebant; Naturam differre ab Hypostasi, alias enim in Trinitate tres Naturas fore admittendas, cum adsint tres Hypostasēs. Philoponus fatebatur hoc consequi, & in Trinitate tres Naturas particulares præter unam communem, secundum Philosophiam Aristotelis admittebat. Proinde tres esse Deos docebat, unde ipsius Sectatores Tritheitæ appellati. Philoponus etiam contra Resurrectionem scripsit, docens, Animas non iisdem rursus uniri corporibus. His non obstantibus Religionem Christianam profitebatur, eamque propugnavit adversus Proclum ex Lycia Philosophum Platonicum, illa ætate luce fruentem; is enim Religionem, quam contemnebat, adductis octodecim argumentis impugnaverat.

Phot. Bibl.
n. 21.

Niceph.
XVIII.
c. 47. 48.

Suid. in
Proc.